



« 19 » август 20 19 у.

№ 691

Toshkent sh.

**Ўзбекистон Республикасида миллий ҳисобларнинг замонавий
tizimini жорий этиш тўғрисида**

Ўзбекистон Республикаси Президентининг “2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини “Фаол инвестициялар ва ижтимоий ривожланиш йили”да амалга оширишга оид Давлат дастури тўғрисида” 2019 йил 17 январдаги ПФ-5635-сон Фармони ижро этиш юзасидан, шунингдек, Ўзбекистон Республикасида миллий ҳисоблар замонавий тизимининг халқаро стандартларини жорий этиш мақсадида Вазирлар Маҳкамаси

қарор қилади:

1. Қуйидагилар:

Ўзбекистон Республикаси Президентининг “Ўзбекистон Республикаси Давлат статистика қўмитаси фаолиятини такомиллаштириш чора-тадбирлари тўғрисида” 2017 йил 31 июлдаги ПҚ-3165-сон қарорига мувофиқ “Миллий ҳисоблар тизими – 2008” қўлланмаси асосида макроиктисодий ҳисоб-китоблар методологиясини такомиллаштириш бўйича изчил ишлар олиб борилаётганлиги;

республикада макроиктисодий статистиканинг халқаро стандартларини жорий этиш ва миллий ҳисоблар статистикасини такомиллаштиришда техник ва маслаҳат ёрдамни кўрсатиш масалалари бўйича Халқаро валюта жамғармаси, Осиё тараққиёт банки, Жаҳон банки, БМТнинг Европа иқтисодий комиссияси ва МДХ Статистика қўмитаси билан яқин ҳамкорлик йўлга қўйилганлиги маълумот учун қабул қилинсин.

2. Ўзбекистон Республикаси Давлат статистика қўмитаси, Молия вазирлиги, Иқтисодиёт ва саноат вазирлиги, Марказий банкнинг макроиктисодий кўрсаткичлар қамровининг тўлиқлигини таъминлаш ва ялпи ички маҳсулотни яқуний истеъмол усулида ҳисоблаш методологиясини такомиллаштиришни назарда тутувчи миллий ҳисоблар замонавий тизимини 2020 йил 1 январдан бошлаб босқичма-босқич жорий этиш тўғрисидаги тақлифларига розилик берилсин.

3. Ўзбекистон Республикасида иқтисодий статистикани янада такомиллаштириш ва миллий ҳисоблар замонавий тизimini жорий этиш бўйича амалий чора-тадбирлар комплекси (кейинги ўринларда Амалий чора-тадбирлар комплекси деб аталади) иловага мувофиқ тасдиқлансин.

4. Ўзбекистон Республикаси Давлат статистика қўмитаси ва Молия вазирлиги:

иқтисодий статистикани, жумладан, миллий ҳисоблар статистикасини тузиш учун ахборот ресурсларини шакллантириш масалаларида манфаатдор вазирликлар ва идораларнинг ўзаро ҳамкорлигини;

халқаро ташкилотларни фаол жалб этиш орқали республикада макроиқтисодий статистикани янада такомиллаштириш масалаларида халқаро ҳамкорликни кенгайтиришни таъминласинлар.

5. Амалий чора-тадбирлар комплексида назарда тутилган тадбирларни ўз вақтида ва сифатли амалга ошириш юзасидан вазирликлар ва идораларнинг раҳбарлари зиммасига шахсий жавобгарлик юклансин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари – молия вазири Ж.А. Қўчқоров ва Ўзбекистон Республикаси Давлат статистика қўмитаси раиси Б.А. Бегалов зиммасига юклансин.

Ўзбекистон Республикасининг
Бош вазири



А.Арипов

Вазирлар Маҳкамасининг
2019 йил “ 19” августдаги 691 - сон қарорига
илова

Ўзбекистон Республикасида иқтисодий статистикани янада такомиллаштириш
ва миллий ҳисоблар замонавий тизимини жорий этиш бўйича
АМАЛИЙ ЧОРА-ТАДБИРЛАР КОМПЛЕКСИ

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
I. Иқтисодий статистикани, жумладан миллий ҳисоблар статистикасини такомиллаштириш				
1	2017 йил маълумотлари бўйича методик ёндашувлардаги ўзгаришларни инобатга олган ҳолда ялпи ички маҳсулот (кейинги ўринларда ЯИМ деб аталади) ретроспектив динамик каторларини ишлаб чиқариш ва якуний истеъмол усулларида қайта ҳисоблаш ишларини якунлаш: йиллик маълумотлар – 2010-2016 йиллар учун; чорақлик маълумотлар – 2016-2018 йиллар учун.	1. Қайта ҳисоблаш ишларини амалга ошириш ва макроиқтисодий кўрсаткичлардаги ўзгаришлар бўйича қиссий ва таҳлилий жадвалларни тайёрлаш. 2. Халқаро валюта жамғармасининг (кейинги ўринларда ХВЖ деб аталади) кенгайтирилган Маълумотларни тарқатишнинг умумий тизими (кейинги ўринларда к-МТУТ деб аталади) доирасида Ўзбекистоннинг Йиғма маълумотлар миллий саҳифасидаги “Миллий ҳисоблар” бўлими маълумотларини янгилаш. 3. Давлат статистика қўмитасининг расмий сайти орқали статистик ахборотлардан фойдаланувчиларни макроиқтисодий кўрсаткичларга киритилган ўзгаришлар тўғрисида хабардор қилиш.	2019 йил сентябрь	Давлат статистика қўмитаси (Б.Бегалов)
2	Миллий ҳисоблар тизими (кейинги ўринларда МХТ деб аталади) талабларидан келиб чиққан ҳолда давлат статистика кузатувлари шаклларини ва уй	1. 2020 йил учун давлат статистика кузатувлари шакллари ва уй хўжаликлари кузатувлари сўровномаларига ўзгартиришлар киритиш бўйича таклифлар ишлаб чиқиш.	2019 йил сентябрь	Давлат статистика қўмитаси (Б.Бегалов),

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
	хўжаликлари кузатувлари сўровномаларини такомиллаштириш.	2. 2020 йил учун Давлат статистика ишлари дастури лойиҳасига киритиш учун бошқа вазирликлар ва идоралар томонидан бажариладиган статистика ишлари бўйича таклифлар ишлаб чиқиш.	2019 йил сентябрь-ноябрь	Иқтисодиёт ва саноат вазирлиги (Б.Хўжаев), Молия вазирлиги (Ш.Шарахметов), Марказий банк (И.Норқулов)
3	ЯИМнинг чораклик ҳисоб-китобларини ишлаб чиқариш усули билан ёйиб бериш.	1. Чораклик ЯИМни иқтисодий фаолият турлари бўйича батафсил тақсимлаш учун ахборот манбаларини таҳлил қилиш. 2. Иқтисодий фаолият турлари умумдавлат таснифлагичининг (2-тах.) (кейинги ўринларда ИФУТ-2 деб аталади) барча секциялари бўйича чораклик ЯИМнинг экспериментал ҳисоб-китобларини амалга ошириш. 3. ИФУТ-2 таснифлагичининг барча секциялари бўйича чораклик ЯИМни эълон қилиш.	2019 йил сентябрь 2019 йил декабрь 2020 йил июнь	Давлат статистика кўмитаси (Б.Бегалов)
4	ЯИМни якуний истеъмол усулида ҳисоблашда қўлланиладиган халқаро статистик таснифларни жорий этиш.	1. “Давлат бошқаруви органлари функцияларининг таснифи”ни (кейинги ўринларда ДБОФТ деб аталади) ЯИМни якуний истеъмол усули бўйича ҳисоблаш амалиётига мослаштириш. 2. Уй хўжалиқларининг якуний истеъмол харажатлари таснифини “Мақсадлар бўйича индивидуал истеъмол таснифи”га (кейинги ўринларда МИИТ деб аталади) мувофиқ такомиллаштириш.	2019 йил ноябрь-декабрь	Давлат статистика кўмитаси (Б.Бегалов), Молия вазирлиги (Ш.Шарахметов)

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
5	Якуний истеъмол усули бўйича ЯИМнинг батафсиллаштирилган ҳисоб-китобларини амалга ошириш.	<p>Куйидагиларни:</p> <p>уй хўжалиklarининг якуний истеъмол харажатлари ҳисоб-китобларини МИИТга асосан;</p> <p>давлат бошқаруви органларининг якуний истеъмол харажатлари ҳисоб-китобларини ДБОФТга асосан;</p> <p>асосий капиталнинг ялпи жамғарилиши ҳисоб-китобларини номолиявий активлар таснифига асосан амалга оширилади.</p>	<p>2020 йил март</p> <p>2020 йил ноябрь</p>	<p>Давлат статистика кўмитаси (<i>Б.Бегалов</i>), Молия вазирлиги (<i>Ш.Шарахметов</i>)</p>
6	“Ресурслар ва фойдаланиш” жадвалларини тузиш амалиётини такомиллаштириш.	<p>1. Корхоналар ва ташкилотларнинг маҳсулотларни ишлаб чиқариш ва сотиш харажатлари таркибини текшириш бўйича тайёргарлик ишларини амалга ошириш.</p> <p>2. Корхоналар ва ташкилотларнинг маҳсулотларни ишлаб чиқариш ва сотиш харажатлари таркибини текшириш.</p>	<p>2019 йил октябрь-декабрь</p> <p>2020 йил январь-июнь</p>	<p>Давлат статистика кўмитаси (<i>Б.Бегалов</i>)</p>
7	Макроиктисодий статистикани шакллантирувчилар ўртасида маълумотлар алмашинуви жараёнларини кенгайтириш.	<p>Макроиктисодий статистикани шакллантирувчи вазирликлар ва идоралар масъул мутахассисларининг маслаҳатлашув учрашувларини мунтазам ўтказиб бориш ва иқтисодий статистикани, жумладан, миллий ҳисоблар ва нархлар статистикасини тузиш учун ахборот ресурсларини шакллантириш масалалари бўйича идоралараро ҳамкорликни чуқурлаштириш.</p>	<p>Доимий равишда</p>	<p>Давлат статистика кўмитаси (<i>Б.Бегалов</i>), Молия вазирлиги (<i>Ш.Шарахметов</i>), Марказий банк (<i>И.Норқулов</i>), Иқтисодиёт ва саноат вазирлиги (<i>Б.Хўжаев</i>)</p>

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
8	Иқтисодий статистикани, жумладан, миллий ҳисоблар ва нархлар статистикасини янада такомиллаштириш масалалари юзасидан маслаҳат ва техник кўмак кўрсатилиши бўйича халқаро ташкилотларни кенг жалб этиш.	1. Халқаро ташкилотлар экспертларини жалб этиш масалаларини ишлаб чиқиш; 2. Иқтисодий статистикани, жумладан, миллий ҳисоблар ва нархлар статистикасини такомиллаштиришнинг муҳим йўналишлари бўйича техник кўмак миссияларини ташкил этиш.	Халқаро ташкилотлар билан келишган ҳолда	Давлат статистика кўмитаси (<i>Б.Бегалов</i>)
9	Миллий ҳисоблар тизимининг ЯИМ ҳажми, таркиби ва динамикасига таъсир қилувчи янги қоидаларини ҳисобга олган ҳолда асосий макроиқтисодий кўрсаткичлар ҳисоб-китобларини жорий этиш.	1. МҲТнинг янги қоидаларини ҳисобга олган ҳолда ҳисоб-китобларни амалга ошириш учун маълумотлар манбаларини шакллантириш. 2. Тажриба асосида тегишли кўрсаткичларнинг ҳисоб-китобларини амалга ошириш ва уларнинг ЯИМ таркибий қисмларига таъсирини таҳлил қилиш. 3. Зарур ҳолларда манфаатдор вазирликлар ва идоралар ўртасида тегишли қарорларни қабул қилиш учун ҳисоб-китоблар натижаларини муҳокама қилиш. 4. ЯИМни ҳисоблаш амалиётини МҲТнинг янги қоидаларига мувофиқлаштириш.	2019 йил мобайнида 2019 йил мобайнида 2019 йил мобайнида 2020 йил мобайнида	Давлат статистика кўмитаси (<i>Б.Бегалов</i>), манфаатдор вазирликлар ва идоралар
10	Чораклик иқтисодий статистикани шакллантириш амалиётини такомиллаштириш.	1. Давлат статистика ҳисоботи шакллари асосида дискрет ҳисобот маълумотларини йиғиш ва таҳлил қилиш. 2. Чораклик ва йиллик маълумотларнинг мувофиқлигини таҳлил қилиш. 3. Базавий йилнинг ўртача йиллик нархларида дискрет чораклик маълумотлар ҳисоб-китобларини жорий этиш.	2019 йил мобайнида 2019 йил мобайнида 2020 йил мобайнида	Давлат статистика кўмитаси (<i>Б.Бегалов</i>)

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
11	Иқтисодий статистика кўрсаткичларини шакллантириш методологиясини такомиллаштириш.	Иқтисодий статистика соҳасида такомиллаштирилган методик қоидаларни ишлаб чиқиш, тасдиқлаш ва амалиётга жорий этиш.	2019-2020 йиллар мобайнида	Давлат статистика қўмитаси (<i>Б.Бегалов</i>)
12	МХТ маълумотларининг бошқа макроиқтисодий статистика тизимлари билан мувофиқлигини таъминлаш.	1. МХТ маълумотларининг тўлов баланси билан мувофиқлигини таъминлаш. 2. МХТ маълумотларининг давлат молияси статистикаси билан мувофиқлигини таъминлаш.	2019-2020 йиллар мобайнида	Давлат статистика қўмитаси (<i>Б.Бегалов</i>), Марказий банк (<i>И.Норқулов</i>), Молия вазирлиги (<i>Ш.Шарахметов</i>)
13	Нархлар статистикаси бўйича маълумотларни шакллантириш методологияси ва сифатини яхшилаш.	Истеъмол нархлари ва ишлаб чиқарувчилар нархлари индексларини шакллантириш методологиясини халқаро тавсияларга мувофиқ такомиллаштириш.	2019-2020 йиллар мобайнида	Давлат статистика қўмитаси (<i>Б.Бегалов</i>), Марказий банк (<i>И.Норқулов</i>), Молия вазирлиги (<i>Ш.Шарахметов</i>), Иқтисодиёт ва саноат вазирлиги (<i>Б.Хўжаев</i>), манфаатдор вазирликлар ва идоралар
14	Халқаро таққослаш дастурининг (кейинги ўринларда ХТД деб аталади) навбатдаги глобал босқичида иштирок этиш.	1. Ўзбекистон Республикасининг ХТДнинг навбатдаги босқичида иштирок этиши масаласини ХТД бўйича ҳудудий координатор билан ишлаб чиқиш. 2. ХТДа босқичида тутилган маълумотларни йиғиш, шакллантириш ва тақдим этиш масалалари юзасидан ХТД	ХТДнинг навбатдаги босқичи жадвалига мувофиқ	Давлат статистика қўмитаси (<i>Б.Бегалов</i>)

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
		<p>худудий координатор билан ўзаро ҳамкорликни амалга ошириш.</p> <p>3. ХТДнинг навбатдаги глобал босқичида иштирок этиш.</p>		
15	<p>Иқтисодий статистика, жумладан, миллий ҳисоблар тизими соҳасида кадрлар салоҳиятини ривожлантириш ва ходимларнинг касб малакасини ошириш.</p>	<p>1. Халқаро ва минтақавий семинарлар, ўқув курслари ва онлайн курсларда мунтазам иштирок этиш.</p> <p>2. Давлат статистика кўмитаси мутахассисларининг халқаро ва минтақавий семинарлар ҳамда ўқув курсларида иштирок этиши натижасида олинган билим ва тажрибаларни ўзаро алмашиш.</p> <p>3. Янги қабул қилинган мутахассислар учун услубий ва амалий масалалар бўйича мунтазам ўқув тренинглари ўтказиш.</p>	<p>Доимий равишда</p>	<p>Давлат статистика кўмитаси (Б.Бегалов)</p>
16	<p>Статистикани ривожлантириш бўйича Миллий стратегияни ва уни ўрта муддатли истиқболда амалга ошириш дастурини ишлаб чиқиш.</p>	<p>1. Жаҳон банки гуруҳи билан статистикани ривожлантириш бўйича Миллий стратегияни ҳамкорликда тайёрлаш масаласини ишлаб чиқиш.</p> <p>2. Жаҳон банки гуруҳи экспертлари иштирокида миллий статистика тизимининг ҳозирги ҳолатининг халқаро тавсияларга мувофиқлигини баҳолаш ва уни ривожлантиришнинг устувор йўналишларини белгилаш.</p> <p>3. Статистикани ривожлантириш бўйича миллий стратегияни ва уни ўрта муддатли истиқболда амалга ошириш дастурини ишлаб чиқиш.</p>	<p>2019 йил сентябрь</p> <p>2019 йил сентябрь-декабрь</p> <p>2020 йил январь</p>	<p>Давлат статистика кўмитаси (Б.Бегалов)</p>

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
II. Давлат молияси статистикасини такомиллаштириш ва бюджет маълумотларининг очиклигини ошириш				
17	<p>Етишмаётган маълумотларни киритиб, чегаравий ҳолатларни тўғри таснифлаш учун зарур маълумотларни олган ҳолда секторлар бўйича таснифлашни яқунлаш ҳамда натижаларни Давлат статистика кўмитаси билан муҳокама қилиш.</p>	<p>1. Устав фонди (капитали)да давлат улуши бўлган юридик шахслар рўйхати асосида уларни давлат бошқаруви сектори институционал бирликлари сифатида секторлаштиришни амалга ошириш.</p> <p>2. Олиб борилган ишлар натижаларини муҳокама қилиш учун маслаҳат учрашувлари ва давра суҳбатларини ташкил этиш.</p> <p>3. Иқтисодиёт секторлари бўйича институционал бирликлар таснифлагичини ишлаб чиқиш ва тасдиқлаш.</p>	<p>2019 йил сентябрь</p> <p>2019 йил мобайнида</p> <p>2020 йил мобайнида</p>	<p>Молия вазирлиги (Ш.Шарахметов), Давлат статистика кўмитаси (Б.Бегалов), Марказий банк (И.Норқулов), Иқтисодиёт ва саноат вазирлиги (Б.Хўжаев)</p> <p>Давлат статистика кўмитаси (Б.Бегалов), Молия вазирлиги (Ш.Шарахметов), Марказий банк (И.Норқулов), Давлат активларини бошқариш агентлиги (А.Хайдаров)</p>
18	<p>Бюджет ташкилотларининг барча бюджетдан ташқари жамғармаларини ва устав фонди (капитали)да давлат улуши бўлган нобозор ишлаб чиқарувчи юридик шахсларни давлат молияси статистикасининг ҳисобга олиш тизимига</p>	<p>1. Давлат молияси статистикасининг ҳисобга олиш тизимига киритиладиган институционал бирликлар реестрини тузиш учун бюджетдан ташқари жамғармалар ва устав фонди (капитали)да давлат улуши бўлган нобозор ишлаб чиқарувчи юридик шахсларни</p>	<p>2019 йил сентябрь</p>	<p>Молия вазирлиги (Ш.Шарахметов), Иқтисодиёт ва саноат вазирлиги (Б.Хўжаев),</p>

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
	киритиш учун норматив-ҳуқуқий базасини яратиш.	инвентаризация қилиш, аниқлаш ва рўйхатини тузиш. 2. Давлат молияси статистикасини ҳисобга олишни ташкил этиш учун зарур маълумотларни тақдим этиш тартиби (ҳалқаро стандартларга мувофиқ чораклик молиявий статистика ҳисоботлари шакллари ва уларни тақдим этиш муддатлари)ни ишлаб чиқиш ҳамда барча бюджетдан ташқари жамғармалар ва устав фонди (капитали)да давлат улуши бўлган nobozor ишлаб чиқарувчи юридик шахсларга етказиш.	2019 йил октябрь	Давлат активларини бошқариш агентлиги (<i>А.Хайдаров</i>), Давлат статистика кўмитаси (<i>Б.Бегалов</i>)
19	Бюджет ташкилотларининг бюджетдан ташқари жамғармалари, шунингдек, бюджетдан ташқари ҳисоб рақамлари (2019 йилнинг ҳисоботларидан бошлаб) ва nobozor бирликлар фаолиятини ҳисобга олган ҳолда давлат молияси статистикаси (кейинги ўринларда ДМС деб аталади) ҳисоботларида давлат бошқаруви сектори тўлиқ қамраб олинишини таъминлаш.	2020 йилдан бошлаб давлат бошқаруви сектори статистика ҳисоботларини (даромадлар, харажатлар, активлар ва мажбуриятлар билан боғлиқ операциялар, шунингдек, давлат бошқаруви органлари функциялари бўйича харажатлар тўғрисидаги ҳисоботлар) Давлат молияси статистикаси кўлланмаси (кейинги ўринларда ДМСҚ-2014 деб аталади) стандартига мувофиқ тақдим этиш.	2020 йил май	Молия вазирлиги (<i>Ш.Шарахметов</i>)
20	Маълумотларни алмашиш каналларини йўлга қўйиш, секторлар бўйича таснифлаш тизимини келишиш ва мувофиқлаштирилган давлат молияси статистикасини шакллантириш.	1. Давлат молияси статистикасини шакллантириш бўйича Молия вазирлиги, Давлат статистика кўмитаси ва Марказий банк ўртасида яқин ҳамкорликни ўрнатиш. 2. Давлат молияси статистикасини сифатли шакллантириш, тезкор маълумотлар алмашиш каналларини йўлга қўйиш, Миллий ҳисоблар тизими ва бошқа халқаро статистика ҳисоботлари билан интеграциялаш бўйича	2019 йил сентябрь 2019 йил октябрь	Молия вазирлиги (<i>Ш.Шарахметов</i>), Давлат статистика кўмитаси (<i>Б.Бегалов</i>), Марказий банк (<i>И.Норқулов</i>)

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
		ўзаро ҳамкорлик тўғрисида Молия вазирлиги, Марказий банк ва Давлат статистика қўмитаси ўртасида меморандум тузиш.		
21	Ўзбекистон Республикаси Молия вазирлиги ва Марказий банк томонида халқаро молиявий институтлар учун тақдим этиладиган маълумотларнинг мувофиқлигини таъминлаш.	<p>1. 2018 йил учун етишмаётган маълумотларни йиғиш ва Марказий банк билан ҳамкорликда бюджетнинг касса ижроси ҳамда давлат депозитларининг ўзгаришини мувофиқлаштиришни яқунлаш, шунингдек, бундай мувофиқлаштириш ишларини мунтазам амалга ошириб бориш.</p> <p>2. Давлат бошқаруви секторининг бюджет ижроси ва ДМС ҳисоботлари ўртасида маълумотларни дастлабки мувофиқлаштириш ишларини яқунлаш.</p> <p>3. Давлат бошқаруви сектори қолдиги ва қарзининг умумий ҳажмдаги ўзгаришини йиллик келишиш.</p>	2019 йил сентябрь 2019 йил сентябрь март (ҳар йили)	Молия вазирлиги (Ш.Шарахметов), Марказий банк (И.Норқулов)
22	“ДМСҚ-2014” стандартига мувофиқ ҳисобот тақдим этилишини ва ахборотни ошқор қилишни янада такомиллаштириш.	<p>1. Давлат бошқаруви секторига киритиладиган бюджет ташкилотларининг ва устав фонди (капитали)да давлат улуши бўлган нобозор ишлаб чиқарувчи юридик шахсларнинг бюджетдан ташқари ҳисоб рақамлари тўғрисидаги маълумотларни бюджет ҳисоботларида акс эттириш.</p> <p>2. Бюджет қолдиги тўғрисидаги маълумотларни соф кредитлаш/қарздорлик концепциясига мувофиқ тақдим этиш, шунингдек, умумий балансни алоҳида тақдим этиш.</p>	2020 йил май	Молия вазирлиги (Ш.Шарахметов)

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
		<p>3. “ДМСҚ-2014” стандартига мувофиқ даромадлар бўйича ҳисоботларни такомиллаштириш. Солиқ бўлмаган даромадлар ва уларнинг асосий қисмларини алоҳида тақдим этиш.</p> <p>4. Харажатларни баҳолаш тўғрисидаги маълумотни иқтисодий таснифда ва маъмурий бирликлар бўйича тақдим этиш.</p> <p>5. “ДМСҚ-2014” стандартига мувофиқ бюджетни тақдим этиш ва бюджет маълумотларини ошкор қилишга босқичма-босқич ўтиш.</p>		
III. Ташқи сектор статистикасини ва пул-кредит статистикасини такомиллаштириш				
23	Ташқи сектор ва пул-кредит статистикасини такомиллаштириш юзасидан маслаҳат ва техник кўмак кўрсатилиши бўйича халқаро ташкилотларни фаол жалб этиш.	Ташқи сектор ва пул-кредит статистикаси маълумотларини шакллантириш методологиясини такомиллаштириш ва сифатини яхшилаш жараёнларига ХВЖнинг техник кўмак миссиясини жалб этиш масалаларини ишлаб чиқиш.	2019 йил давомида	Марказий банк (И.Норқулов), Давлат статистика кўмитаси (Б.Бегалов), Молия вазирлиги (Ш.Шарахметов)
24	ХВЖнинг “Халқаро молиявий статистика” тўпламида Ўзбекистон Республикасининг саҳифасини очиш.	<p>1. ХВЖнинг техник кўмак миссияси билан ҳамкорликда стандарт ҳисобот шаклларини пул-кредит ва молиявий статистика бўйича охириги қўлланма (Monetary and Financial Statistics Manual and Compilation Guide (IMF, 2016)) талабларига мувофиқ янги стандартларга мослаштириш ишларини амалга ошириш.</p> <p>2. Миллий ҳисоблар, давлат молияси ва меҳнат ресурслари статистикаси бўйича маълумотларни ХВЖнинг “Халқаро молиявий</p>	2019-2020 йиллар.	Марказий банк (И.Норқулов), Давлат статистика кўмитаси (Б.Бегалов), Молия вазирлиги (Ш.Шарахметов), Бандлик ва меҳнат муносабатлари

Т/р	Тадбирлар номи	Амалга ошириш механизми	Амалга ошириш муддати	Масъул ижрочилар
		статистика” тўпламида нашр этиш учун ХВЖга тақдим этиш бўйича Давлат статистика кўмитаси, Молия вазирлиги, Бандлик ва меҳнат муносабатлари вазирлиги билан ҳамкорликдаги фаолиятни мувофиқлаштириш.		вазирлиги (Э.Мухитдинов)
25	Молиявий сектор шарҳини тузиш.	<p>1. Бошқа молиявий ташкилотлар бўйича стандарт ҳисобот шакллари тузиш юзасидан ХВЖнинг техник кўмак миссиясини жалб этиш.</p> <p>2. Бошқа молиявий ташкилотлар (суғурта ва лизинг компаниялари, микрокредит ташкилотлари, ломбардлар, брокерлик фирмалари, биржалар ва бошқалар) фаолияти бўйича маълумотларни йиғиш механизмини ишлаб чиқиш ва жорий этиш.</p> <p>3. Молиявий сектор шарҳини тузиш учун зарур бўлган маълумотларни йиғиш ва ишлаб чиқиш бўйича Молия вазирлиги ва бошқа идоралар, шунингдек, молиявий сектор ташкилотлари билан ҳамкорликдаги фаолиятни мувофиқлаштириш.</p> <p>4. Бошқа молиявий ташкилотлар ва молиявий сектор шарҳларини тузиш.</p>	2019-2020 йй.	Марказий банк (И.Норқулов), Молия вазирлиги (Ш.Шарахметов), Давлат статистика кўмитаси (Б.Бегалов), манфаатдор вазирликлар ва идоралар, молиявий ташкилотлар